


圖

石
研
研
研




重修志序

石阡府設自勝朝永樂間終明之世未聞有志越我朝乾隆二十九年

儒臣續纂一統志

天下省會各修通志上之史館而臺省大臣轉檄郡邑新舊志悉充採錄於是前守羅君文思創為石阡府志迄今百有餘年矣陵谷閭里之變遷城池倉廩之興廢賦役征權之沿革戶口物產之增減與夫名宦鄉賢忠臣孝子文人詞士義夫節婦代不乏人若



時補輯何以紹前修而俟來哲齊壽於庚午冬奉
憲檄守斯土到任未及一月而苗逆迭至均經紳團
同仇堵勦得保無虞稍平隨遍搜郡志盡遭燹劫即
志板亦百不一存求之既久始於周尚濂司馬處獲
覩舊帙亦朽蠹不堪吁良可慨已齊壽恐久失其傳
爰自行捐貲會集鄉先生設局分編朝咨夕考徵文
求獻勒為成書抑亦典郡者之責矣古人謂修史之
難無過於志蓋以志者識也志其地志其時志其事
三才之道備焉故語不可以不詳擇不可以不精此

天威

志之所為難也齊壽自下車以來上凜
下求民瘼間嘗綜時勢而論之郡地屆在南服素尚
質樸近年苗疆反覆生民凋疲守斯土者當此瘡痍
未平尤宜興利除害力勤撫綏竊有志焉未逮乃今
以當官之務謬附撰述之林志其地則思治與地宜
志其時則思政因時立志其人則思人以事傳後之
來者統理人倫慎固封守胥將於志焉是取掌故云
乎哉抑又聞之龍門之史質而不俚扶風之書瞻而
不穢郡志規模視國史雖隘然苟立體撰詞決擇未

石阡府志
當其失維均此管蠡之測識所嘗是正於鄉先生者
竊願以一郡之志上之臺省可參信史頒之邑司可
作政書仰惟

聖人在上一道德同風俗是書儼列承流宣化之中鄉先
生有道而文蓋邦國之光也已顧獨慙典郡者以庸
碌之材歷任部曹出典巖疆未克仰追前賢光昭簡
冊此則耿耿於中不自釋者也

同治十年辛未仲夏知石阡府事思南府知府楚止

方齊壽叙

重刊志序

朝廷有史郡縣有志其為勸懲一也顧史之勸懲上達王侯將相其功大志之勸懲下逮官吏士民其效捷二者皆

國家所不廢者也我

皇上御極之九年冬方公暢九調守石阡鄰氛竄擾

公以團練府兵擊而平之越明年道通達民安輯徵文考獻而乾隆時太守羅公文思所脩郡志兵燹之餘蕩然無存公深以為憂多方訪求毅然以續脩

為己任而郵致於余囑為文以序其事余謹受命焉
客有見而詰者曰方今黔省時勢武備獨宜急脩耳
脩志何為余曰不然自古循良為政值亂固有撥亂
之謀已安則求久安之道道奚先先吏治吏治者士
習民風視以轉移而即治與亂之大關鍵也則脩志
尚焉嘗讀征苗記云初苗畏官如神畏隸如官自永
綏竊牛一訟株連需索於是謂官貪婪不足畏遂激
石滿宜之亂雖早經撲滅然苗釁已開至於今害未
已設使當日官吏取志讀之其守令也賢反而勸勉

其守令也不賢反而創懲無寬民自無亂民又何致
兩階干羽隱伏戈矛百萬生靈頻遭塗炭也哉由是
觀之 公非徒考山川紀景物云耳蓋有深謀遠慮
存乎其間矣又况學校有制賦役有經鄉賢名宦有
其人忠孝節義有其事何一不可維吏治即何一不
可端士習而正民風志之為義大矣哉然則武備遂
可不脩乎又非也從來韜略之才莫不知天文察地
利體民情三者皆志所具備而兵制尤其顯焉者也
孰謂脩志而武備廢弛與客不能詰爰筆而質之

公至於山川景物 公之命意所不在余之數與不
多忘請俟諸博物君子焉

同治十年歲次辛未仲秋月知八寨同知事西蜀
北陳世芳謹序

重修石阡府志序

同治五年偉堂奉

天子命典守斯郡七年春始得與此邦人士相接維時正值兵燹之餘田土荒蕪賊氛未靖中宵數起巡視城垣諸生語及舊時府志自燬於寇片版無存欲請重修以垂永久因思吾民衽席未安百廢均待舉行自應先其所急蓋有志焉而未逮也九年冬卸篆回省適接署者為方君暢九廼得以暇搜輯遺編採訪輿論規模掬具付之手民而方君以去迨癸酉之春余

再回視事急觀新志將次告成深喜文獻信而有徵
實諸紳之相與有成並以成余夙志也余一再承之
先後七年愧於地方少所裨益今將解任赴都引

見倘承

簡命重履此邦仍得與諸紳民共游

恬熙之世當使斯志踵事增華是則私心所切望者耳
時官斯土者

御前侍衛世襲騎都尉石阡營都司常山教授毛鴻遇訓

導許堯佐署經歷陳仕星千總楊正福把總李承恩

外委張仁順副長官楊映宗董其事者舉人楊大鏞
候選同知周尚濂貢生夏純彥候選訓導陳丹書李
飛鵬生員夏純清廖速陞例得備書

時

光緒二年歲在柔兆困敦春王正月下澣穀旦
花翎卓異補用道知石阡府事豫州商邱任偉堂
敬序於郡署之嘉樂堂

平江府志

卷一

石阡府志

總論舊冊載

論志於今日之石阡難言之矣沿革之制波詭雲濤
代不一揆採風問俗淳樸日離方產寥寥獨異他郡
戶口凋零土田草竊貢賦徭役之縮額視昔徑庭城
池闕梁閔焉未修亭館坊市寺觀古蹟遷謫流寓詢
其故處強半在荒煙野蔓中惟山川之流峙疆域之
繡錯覺亘古未易他如名宦鄉賢之隸乎學校者既
與郡署經營並舉矣而秩祀其何以隆之兵防其何

以固之郵傳惠政其何以調停而光復之職官其何
以靖共表率之科貢恩典孝義貞節其何以鈞陶顯
庸激勸風厲之祥何以凝異何以消紀兵其何預戒
以弭之是皆修志者之所必思徬徨却顧而不能釋
諸懷也緬維昔志之修率舉郡典所有相沿數百年
後寢失其傳官於茲土悠同而墻一二紳士者碩佻
雜乍歸亦了不能記憶掌故殘編悉亡於亂安得郡
尚有志可以起人之流覽低徊乎 守憲觀察黃公
經濟奧衍嗜古耽竒黔中阨塞要害之區葱鬱連漪

之景林總盛哀賦徭盈縮之原委一一洞若觀火而
於所轄石阡等郡之利弊興廢尤極披撥條貫因喟
然於鼎革以來邊疆草昧郡無專乘非所以翊贊
治運昭示來茲乃於藩司錄黔省通志攜歸伏讀
而思曰今日阡境之志有不可易者有可易者有易
循者有未易遽循者有已修者有未修者有有待者
有若有待而實無待者有在天者有在人者有人定
可勝天者沿革形勝疆域山川非高下之定位則古
今之損益此不可易者也風俗如陶然埴土填器型

之厚則厚型之薄則薄此可易者也兵防職官科貢
恩典我

朝有脩無患授祿賓興昭忠敬孝俱立於無可加之地
此易循者也戶口土田方產貢賦徭役郵傳惟子遺
之不堪悉索故曩額所懸節年報補此未易遽循者
也公署學校名宦鄉賢迄於秩祀釐舉不墜此已修
者也城池俟歲有而再築闕梁擇所急而徐圖此未
修者也惠政坊市孝義貞節類皆積貯施濟厲世磨
鈍之規未可久廢此有待者也遷謫流寓亭館寺觀

古蹟修之僅供騷客之憑弔不修無損政治之純全
此若有待而實無待者也祥異迭見何代無之此在
天也特書紀兵以示折衝此在人也化異為祥遏兵
未萌此又人定可勝天者怵目警心於志焉寓然則
志曷可少哉茲偕推官陳君龍巖夙夜殫心網羅舊
聞祇存什一於千百不能成一郡之志以副 觀察
之盛心不禁仰而嘆曰欲成其書必待其人敢以俟
後之君子

康熙三年甲辰中秋日知石阡府事三韓劉啓復撰

卷之六

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

石阡府志叙 舊冊載

粵稽代不乏志然則欲修阡之志也夫豈無舊章可循哉而奚為憂憂乎其難之訪諸紳士曰自明之一統志成而阡志脩矣歷二百年餘人莫不家珍戶襲各有其冊以為居今稽古之用至崇禎末葉而志亡何者苗叛不已毒流惟阡罹為甚烈以故輿墳篋籍貯在城者悉為悍弁逆卒收半焚半散在野者非變而為苗犵之鎧甲則化為為箐碕之苔莓即求其所謂斷簡殘篇而亦烏有况其志乎迨我

朝定鼎修來黔服先蒞茲土者視夫戶口之凋零土田
之草竊貢賦徭役之縮額闕梁亭館寺觀之傾圮愴
然而思即欲志之卒以漫無所據而已焉是阡志之
漸減也非一日矣茲幸恭逢 大憲振興古道嘉惠
遐方雅見同文盛世不可無型方訓俗之典遂銳意
於著述而以身任班馬所不能勝之任爰引同心重
修黔志檄下購徵阡志甚懼無以副 大憲之至意
亟商廣文劉世忠敦請郡士楊毓華全延庚日夜殫
心遠蒐密索或得諸殘編或得諸敝笈若沿革

勝若方產等增康熙三年舊冊所載者無幾究不能成一郡之志嗚呼一代之著述非一代之偉人不能成要惟

天子御極於上

臺輔治理於外歷覽方隅審觀謠俗考核其阨塞險固以知其措置所宜控馭所急先握著述之本而後合一郡所採陳斟酌損益勒為章憲務期他日用以恢皇圖而展

帝域詎非天地間鴻文巨冊也哉雖曰欲成其書必待其

石阡府志

卷一

叙

人蓋久道化成化成則政備俟之君子以成一郡之志當必與天祿石渠之所儲並垂不朽矣是叙康熙九年庚戌仲夏上浣之吉知石阡府事彭可謙

黔阡紀要

文思守石阡閱黔省通志詳且備矣先王父遊黔紀載黔為荆梁邊陲同三吳楚蜀皆未通中國黔尤鄙遠開闢最後商曰鬼方周曰靡莫戰國時楚將莊蹻畧地至於且蘭始附楚張儀欲以商於易黔中即其地楚滅併於秦為黔中郡黔之名於是乎見漢元鼎六年平西南夷置牂牁犍為越雋武陵四郡犍為隸蜀越雋隸滇武陵隸楚牂牁則黔地也蜀漢興古即今之安順隋之巴東黔安清江明陽四郡唐貞觀十

六年拓其地置牂夷播珍等州屬黔中劍南二道採訪使其時所謂黔中者思南思州黎平鎮遠都勻興石阡及附近楚蜀也惟貴陽不與焉五代時楚王馬殷遣八姓帥率邕管柳州兵討兩江溪洞留兵戍之遂各分據號八番是為定番州宋至道三年以之分隸荆湖劍南二路宣和元年以田佑恭加貴州防禦使嘉定元年以宋永高擢貴州經畧安撫使黔稱音州始於此元憲宗時于矢內附至元十六年西南八番羅氏等國亦內附置八番羅甸等處宣慰司十七

年討羅氏鬼國十九年以降夷八番金筑百萬寨皆
為郡縣置順元路金筑府領其事二十年討平九溪
十八洞並置郡縣立總管府俱聽順元路宣慰司節
制間設流官實同羈縻無城郭田賦之制無鄉會賓
興之典猶然荒服也明初分隸滇楚蜀三省洪武四
年蠻長密定等舉土來附置貴州衛五年命江陰侯
吳良討平古州等處置永寧衛八年置黃平所十年
命安陸侯吳復討普定阿買寨十四年命潁國公傅
友德徵雲南為徵南將軍還置貴州之普定烏撒兩

衛十五年開設屯堡築貴州省城設貴州都指揮使
司領各衛所以汝南侯權其事卒以平涼侯署理是
時紀綱初定十六年置普定軍民府都勻安撫使暨
永寧州改習安州為安順州立畢節衛十八年恩州
苗判命信國公湯和為征普將軍周德興副之帥師
從楚王平其地洞蠻吳面寇古州復命信國公從
楚王勦平十九年夏六月穎國公討平越麻哈二十
年命靖寧侯葉昇普定侯陳桓討東川普定諸蠻平
之屯田於畢節等衛二十一年東川蠻復叛以雲

侯沐英普定侯陳桓俱從將軍穎國公帥師討平仍
命普定侯屯田畢節宋國公馮勝鎮永寧二十二年
狼洞黃平苗叛穎國公移師勦服置赤水興隆安莊
三衛平普旦阿資馬乃置普市所二十三年命延安
侯勝宗討平貴州叛苗置新添龍里威清安南平壩
前平六衛改都勻安撫使為都勻衛二十四年鑿永
寧湖河隄十五年命越雋侯俞通淵征古州洞蠻命都
督王成通貴州道路二十八年貴州蠻阿榜曹寧等
司叛守將夏國公顧成討平置貴州前衛三十一年

分命夏國公顧成討水西楚王湘討古州都督楊文
討清平黔陽平羌將軍何福擒永寧蠻十八加如計
畢節都勻進征五開諸蠻悉平永樂十一年叛苗曰
璪田宗鼎伏誅罷羅甸宣慰司置思州黎平思南德
遠銅仁石阡各府設貴州布政使司貴州於是乃為
專省十三年改普安安撫司為州十八年設貴州按
察使司洪熙元年令貴州就試湖廣宣德元年詔令
雲貴兩省鄉試正統元年以木瓜麻嚮大華割屬金
剛山年設安順州流官四年始命右副都御史丁璠

巡撫貴州六年添設屯田副使九年置施秉縣其他
橋衛與鎮遠衛仍屬湖廣十四年邛水草塘爛土凱
口諸苗叛陷思州都勻黃平思南石阡等衛府總督
侯璉率副總兵官方瑛討平之景泰元年苗賊韋同
烈叛據清平之香爐山命保定伯梁瑤督征二年韋
同烈伏誅是年設駐巡撫天順元年大壩山都掌蠻
叛成化三年兵部尚書程信督川湖雲貴四省兵討
平又打罕州土蠻韋阿禮叛調泗城兵會勦平之八
年裁巡撫十年置程番府十一年巡撫復設弘治四

年爛土蠻叛五年副都御史鄧廷瓚帥師討平之六
 年置都勻府改印江司為縣八年置麻哈獨山二州
 清平永從兩縣十一年普安夷婦米魯叛執太監右
 布政司閩鉦死之置鎮遠縣其鎮遠衛與偏橋衛仍
 之十六年南戶部尚書王軾討米魯平之正德二年
 復裁巡撫五年再設六年平賊方四八年平臥龍司
 賊王倫十一年討香爐山叛苗不克十二年湖廣合
 師討平十四年芒夷寇永寧嘉靖四年參將何鄉平
 之六年芒夷復叛仍以晉階副總兵何鄉討平十四

年開科本省學者日益多十六年都勻苗叛十九年
金石司苗叛二十一年銅鎮苗叛石阡府執推官
鄧本中官兵前後討平二十七年羅番龍受祖叛黨
賊龍許保陷印江二十九年銅仁苗陷思州知府李
允簡死之三十年置銅仁撫苗通判三十一年平金
筑叛苗阿季是年設總督駐沅州節制湖川貴三省
隆慶二年改程番府為貴陽府益以金筑平伐二司
移治省城為首郡萬曆三年平者芽苗立寧威營十
四年以程番府舊治置定番州十九年置新貴縣二

十四年遷貴陽府學於北關二十六年置銅仁縣二十七年皮休蠻叛播賊寇平越刺都司等官復寇東波烏江及龍泉叅將以下多死之賜總督李化龍劔令便宜從事二十八年貴撫郭子章會總督李化龍湖撫支可大誓師討播楊應龍自縊死餘黨悉平以其地設平越遵義兩府湄潭甕安等十縣平越府轄平越湄潭甕安餘慶四邑以龍泉一邑屬石阡府俱隸於黔邊義府轄遵義綏陽桐梓仁懷正安隸於蜀二十九年貴撫郭子章會楚師粵師勦皮休三

改安順州為軍民府三十一年奢賊叛次年平改
德司為安化縣三十四年征東路苗三十七年經苗
劫印江縣典史邵士元死之三十九年置廣順州四
十四年平定番犛苗天啓二年二月水西羅鬼安邦
彥叛圍貴陽總督張我續領兵來援十二月圍解城
中餓斃者過半苗獠之害於茲最酷三年進師六廣
四年巡撫王三善督戰為逆賊陳其愚詐降遇害同
時遇害叅將以下百十餘人御史傅宗龍疏請赴黔
討賊詔命以巡按監軍五年擒其愚誅之餘未服進

師鴨池河敗績總督魯欽歿於戰六年師至楊家海
不克崇禎元年川貴合師會勦總兵官侯柱許成名
斬安邦彥於永寧二年建上衛連雲等十一城詔命
貴州四川雲南合兵討水西餘黨三年賊乞撫疏聞
許之四年置開州設敷勇鎮西二衛修文熄烽赫聲
濯靈於襄威武定南柔遠詰戎等九所十六年以宣
慰司舊學址為新貴縣學是年開州狎苗叛陷州城
知州黃嘉雋死之終明之世討叛苗百餘關地十部
州縣二十有一衛十八所千戶九為十三省之一

定貴州全省通黃平水路十七年馬乃苗叛平其地
置普安縣康熙三年水西羅鬼安坤叛命吳三桂討
服以水西為黔西府比刻為平遠府大方為大定府
烏撒為威甯府烏撒衛仍其舊五年平郎代誅隴安
藩十一年改龍里清平都勻衛為縣裁安莊衛歸鎮
寧州裁黃平所歸黃平州裁新平所歸普安縣十二
年廣順州苗叛刺史目蔣士璘二十二年改黔西平
遠二府為州割湖廣之鎮遠偏橋二衛歸黔二十五

年徙土司韋有倫等以其地入永從縣二十六年改
貴前二衛為貴筑縣敷勇衛為修文縣以修文濯靈
熄烽於襄四所益其地裁新添衛歸貴定縣改滅清
鎮西二衛為清鎮縣益以赫聲威武二所改平壩衛
為安平縣益以柔遠所改安南衛為安南縣裁善安
衛歸普安州裁定南所歸普定縣改永寧畢節二衛
為縣裁普市所歸永甯裁赤水衛歸畢節裁烏撒衛
歸威寧府政府為州裁興隆衛歸黃平州三十四年
併新貴縣於貴筑裁安籠所為南籠廳歸安順雍正

二年改湖廣之王屏清溪天柱開泰錦屏五縣隸黔
中三年巡撫毛文銓討定番叛蠻擒賊首阿近斬之
四年威寧鎮總兵官石禮哈率師討古州生苗設古
州兵備道置永甯州五年改南籠廳為南籠府六年
改遵義合屬歸貴州八年以新闢苗疆設同知三駐
八寨者隸都勻駐清江者隸鎮遠駐古州者隸黎平
設通判三駐都江丹江者俱隸都勻駐歸化者隸安
順九年討平松桃紅苗移正大營同知駐其地隸銅
仁於郎岱設同知隸安順割廣西之荔波縣隸都勻

十年古州苗復叛巡撫元展成發兵勦捕傷我兵副將等十餘人署提督鶴麗鎮總兵官討平提督哈元生至自京除其餘黨十一年改天柱縣隸鎮遠移大定府通判駐水城移清江同知駐台拱設通判駐清江俱隸鎮遠十三年古州苗復叛陷黃平清平等州縣經畧張廣泗帥川湖粵滇黔五省兵討平斬首萬餘設古州總兵官清江副將等鎮其地千百年苗患至此一靖守斯土者撫司道大員貴陽等十三府長寨等六同知丹江等七通判定番等十四州貴筑等

三十四縣鄉科額取四十四人聲名文物埒於
矣此游黔記所載較省志更詳且備也我

皇上

御極以來士樂於庠民安於野乾隆元年至於今

苗恭順共享太平之福石阡黔中一隅也地東界
仁南鎮遠西遵義北思南文思二十八年癸未孟秋
月朔蒞茲土巡歷山川土田咨紳士父老遺事欲成
郡志公暇輒搜竒訪古凡斷碣殘碑必往摹搨偶有
剝漏虛衷討論而續補之越明年甲申夏得郡故
經全延庚之阡郡紀載郡自明永樂十一年置十二

年建

文廟正統十四年燬成化十六年郡守余志重修正
德五年土官楊再珍奏准築土城至嘉靖元年郡守
何邦憲始創築隆慶六年郡守吳維京建城內明經
書院萬曆二十八年貴撫郭子章討楊應龍後巡行
石阡捐貲增南北月城三十四年郡守郭原賓重修
明德書院是年冬郡守江大鯤蒞任初建祭祀各壇
廟鑿南關外兩溫泉推官李應期陞

文廟正殿於上層三十八年鎮筸苗叛陷阡城郡守

文峰塔又建南關渡江太虛洞樓閣額書黔南第一
景天啓元年郡守孫光顥建文峰寺之前後殿並置
田畝二年郡守錢以式加文峰塔二級旋圮推官王
登邦重修是年水西安邦彥叛阡民供運苦之四年
冬紅苗擁阡西門外達旦忽去次年正月九日復來
焚城外殿守民居客店殆盡郡守許國秀親冒石矢
與紳士軍民堅守之因得瓦全繼苗族時擾郡守陳
達道推官王命來密設偵探多方防守不遺餘力民

至今德之明末南寧侯被我

朝官兵追至石阡推官王命來署郡事阻扎南關外迎
恩寺彌月無敢擾一民嗣遭歲屢荒郡丞傅爾礪推
官謝國傑出貲給粥全活者甚衆順治十四年武陵
侯楊國棟屯田石阡性嚴刻劾副將楊新桂新桂不
服夥衆亂城內官民衙舍悉火之存殿宇祠寺而已
時委思仁道張炳象單騎至阡加意撫恤民乃寧十
五年經畧洪承疇掃除貴州逆黨拯民於水火而登
上席老死不見兵革矣比阡郡紀所載又詳所未詳

俗所不脩也竊統論之黔在萬山羅列中阡乃拳石
之多耳土不厚於西北財不富於東南而其地則在
所必關三代以前詩懲荆舒何有於黔周末吳楚爭
盟中夏黔竇隣之卧側鼻軒何以安斯民於枕席况
犍為越雋牂牁皆古西南夷犬牙相錯滇無黔則扼
其吭蜀無黔則掣其肘一隅之不靖竇九重之憂也
此歷代所為羈縻畜之前明百戰取之我

朝禮樂征伐撫綏而奠定之否則竭其土之所納不足
以供本土之用歲糜協餉動逾百萬其何利於黔而

闢之者惟是闢之非難撫之為難未闢則化外之夷也既闢而生聚斯民於其地不為之策其萬全是何異搗羣虎之穴而置赤子於其中幾何不為之乎食也安酋自濟火有功於蜀代封重爵雄掌諸蠻播厥自楊端應募平南世襲唐職閱五代宋元至明橫恣居播珍誠所謂夜郎自大餘苗類皆野性難馴一旦削其土地治以流官虎視眈眈伺隙而動豈顧問哉前明盛時於鎮遠黎平各要害原皆設兵戍之正統間以麓川之役撤回戍兵諸苗遂得深入陷沒成化

屏戮兵民至終明而叛復不常苗性固厲猶亦諱
者之疎也語曰國不可無三年之蓄蘇秦說趙稱其
粟支十年明天啓中安酋圍貴陽未匝一載而城中
餓斃者過半阡民供運饑死道路者不勝計有倍無
患之謂何遂至坐困若此今黔阡無不墾之地無不
化之民仰見

朝廷碩畫鴻猷遠過前明勝於歷代其苗之雜處我疆
者迎機化導示以恩信廣以積貯圖以久安長治自
風氣日厚庶富有加枕滇帶蜀可作屏藩金錫丹砂

石門府志

是資國用黔誠冢中西南之要郡而阡陌之重也
之要郡也哉是為紀

乾隆二十九年季冬上浣知石門府事之西蜀羅文心

石阡府志總目

知石阡府事楚北方齊等增修重刊

第一卷

星野志

天

翼星考

軫星考

翼宿占驗

軫宿占驗

氣候

第二卷

輿地志

地

沿革

圖說

長官司考

疆域

形勝

卷一

總目

一

八景 山川 城池 官署 關梁 城鎮

渠堰 風俗

第三卷

職官文

知府 同知 通判 推官 經歷 教授

訓導 照磨 土司

第四卷

兵防武

武制 教場 恩賞 都司 守備 千總

祀總
外委
師承考

卷

興禮教

朝賀

接詔

迎春

救護

秩祀

附祀

亭館

坊碑

古蹟

義塚

養濟

監獄

齋戒

忌辰

禁屠

停刑

講約

第六卷

學校

廟制

祀典考

樂器

祭器

書籍

名宦

總目

鄉賢

遷謫

流寓

僊釋

方技

選舉

節烈

封典

賓興

鄉飲

學額

學田

書院

書院田

附各田

第七卷

田賦卷

田丁

戶口

錢糧

稅課

起解

存支

請領

備貯

里甲

市集

物產

祥異

第八卷

藝文傳

記序

書

稟說

示

詩

石阡府志第一卷

知石阡府事楚北方齊壽增修重刊

星野志

舊冊

自周官保章氏以星土辨九州地所封之域皆有分
星以觀祿祥於是歷朝書史皆載天文洎府州縣志
亦例紀星野焉惟是史之論分野也綜十二次度數
以宇內郡邑配之代異其書人晰其說於九野統紀
之數致紛紜矣况一郡乎則天道之遠也省志云黔
越在荒服保章氏所未載前人以地近荆梁分翼軫

參井而石阡則分在翼軫之間也

接謝東山志思州思南鎮遠銅仁黎平石阡六府俱
翼軫之餘沈思充通志貴陽都勻思南石阡是井鬼
分野衛既齊志黔古無分野之說而郭紀又以屬鬼
星者近似其說不一竊疑石阡一隅乃占翼軫二星
之間恐未確爾

翼星考

翼二十二星十九度四十一分位次已近太微垣星
經曰二十三翼如飛勢上五下五中元氣東甌五星

在翼下者是

軫星考

軫四星十八度位同翼星經曰軫宿四星中長沙左
轄右轄分上下軍旁三十二器府土司空對清邱界
翼宿占驗

天文志翼宿二十二星天之樂府主俳倡戲樂又主
夷狄遠客負海之賓明則禮樂興四夷服凡十八度
距中行西第二星去極四百度東甌五星在翼下南
蠻夷星也

軫宿占驗

軫宿四星主冢宰輔臣主車騎主載任有軍出入皆
占於軫又主風明則車駕脩凡十八度去極一百度
轄二星輔軫上下兩傍主王侯左轄為王者同姓右
轄為異姓長沙一星在軫宿中主壽命明則王者壽
子孫昌青邱七星在軫東南蠻夷之國號也軍門二
星在青邱西一曰土司空北天子六宮之門主營倭
豹尾威旗器府三十二星在軫宿南樂器之府也明
則八音和君臣平土司空四星在青邱西主界域明

則天下豐

氣候

黔地山多而土瘠氣沴而候愆不可以中州例也嵐
氣上蒸膚寸之雲即能致雨故有漏天之號嶺高箐
深遮蔽日月一日之間乍寒乍暖百里之內此燠彼
涼田功三月始犁四月播種五月插禾九月十月納稼
東作稍遲則苗不茂夏初無雨則收必歉入秋有大
風則秀不實謂之青空農民歲入除正供外恒不敷
食所賴山坡曠土石傍溪邊雜種燕麥蕎麥稗旱

稗之屬以佐饕殄故民鮮隔歲之蓄其亦氣候使然
與惟石阡與思南遵義俱近四川氣候平和寒燠不
爽雨暘恒調水經注曰牂牁夜郎之間山無瘴毒此
其處也

石阡府志第二卷

知石阡府事楚北方齊壽增修重刊

地輿志

舊冊

王制司空執度地居民蓋定郡邑城郭廬舍之區域也陵谷變遷廢置互異不考其舊無以詳時史而酌機宜郡自元置石阡軍民長官司隸思州宣撫司明初改隸思南宣慰司永樂十一年置石阡府萬曆二十九年改龍泉長官司為縣隸府屬

國朝因之今採訪考正舊址新基皆得其處矣

沿革

唐 梁州南裔 荊州西鄙

虞 梁州南裔 荊州西鄙

夏 禹貢梁州之南裔

商 荊州之西鄙

周 雍州之南裔

秦 黔中郡

西漢 牂牁地

東漢 牂牁地

魏 牂牁地

晉 夜郎地

後魏 夜郎地

後周 夜郎地

隋 明陽郡

唐 夷州

宋 珍州

元 石阡軍民長官司隸思州宣撫司

明 石阡軍民長官司隸思南宣慰司永樂十一年

改石阡長官司為石阡府

國朝因之

沿革論舊冊

聞五帝不相襲禮三王不相沿樂沿革之時義大矣哉蓋叢爾石阡僻處萬山雖秦漢隋唐宋元及明地號不同創制各別或專置郡或以郡地分屬二州或隸他州或割其地而隸之他省州郡或置宣撫慰二司而總不離夜郎者近是夫延袤廣狹不敵腹裏一大州縣何為專為分為土為流設官之紛紛歟良由

封則壞編錯地無定界專郡則不能獨立分隸亦可復
可此以土以土終不若設流治土為無弊也康熙三
年甲辰推官陳龍巖譔

按省志石阡禹貢梁州南裔周屬楚秦為黔中地漢
為牂牁郡地晉分牂牁置夜郎為夜郎郡地宋齊因
之隋為明陽郡唐初為思黔二州地武德二年以信
安義泉綏陽三縣置義州今龍泉縣義陽山下者是
並置都牢洋川二縣尋改信安為信寧四年以思州
之寧夷縣置夷州並置夜郎神黔豐樂綏養雞翁伏

遠明陽高富思義丹川宣慈慈岳十二縣五年更義
州為智州六年省夷州之雞翁貞觀元年廢夷州省
夜郎神泉豐樂以寧夷伏遠明陽高富思義丹川隸
務州以宣慈慈岳隸涪州綏養隸智州四年復以黔
州之都上縣開南蠻置夷州省智州之都牢五年以
廢邠州之樂安宜林芙蓉瑯川四縣屬智州六年置
雞翁縣屬夷州十年以高富屬黔州十一年改屬夷
州又改智州為牢州徙治義泉領義泉信陽綏陽洋
川綏養樂安宜林芙蓉瑯川九縣十六年廢牢州省

綏養樂安宜林以信寧隸黔州以芙蓉興川隸播州
以綏陽義泉洋川隸夷州徙夷州治於綏陽省雞翁
高富開元二十五年以思州之寧夷都上綏陽義泉
洋川歸屬夷州唐末復陷為蠻地宋初為羈縻夷州
大觀二年酋長獻其地為承州宣和三年廢承州及
都上諸縣以綏陽隸珍州元置石阡軍民長官司隸
思州宣撫司明初改石阡長官司隸思南宣慰司永
樂十一年置石阡府領長官司五一龍泉一葛彰一
苗民一石阡正一石阡副萬曆二十九年改龍泉

官司為龍泉縣隸於府

國朝因之康熙二年裁葛彰司五十年裁苗民司雍正
八年裁石阡正司領龍泉縣一副長官司一

圖說 舊冊

石阡南通鎮遠北距思南東抵銅仁西連遵義地在
諸郡中不與他省接壤南眺十萬山高爽寬平場圃
興屯兵之故壘在焉府治前新開小河明郡守郭元
賓鑿可通舟楫率作興事豈不存乎人哉郡所轄僅
龍泉一邑在郡西二百五十里境內群山連崗疊嶂

義州北蟠義陽綏陽東西遙峙皆昔時故城廢邑之
址古瓦頽垣深入憑弔而烏江南繞青溪北環稱襟
帶之險固矣

龍泉長官司考

龍泉坪長官司在府西一百二十里隋為義泉縣屬
明陽郡唐武德二年改屬義州貞觀十一年改智州
為牢州徙治龍泉坪宋為珍州地元置大保龍泉長
官司屬思州宣撫司永樂十一年改屬石阡府萬曆
二十九年裁龍泉坪長官司為龍泉縣仍屬於府編

戶一里

葛彰葛商長官司考

葛彰葛商長官司在府南一百里唐為都上縣屬黔州貞觀四年開南蠻以都上縣置夷州宋廢縣以隸珍州元置葛彰葛商長官司屬思州宣撫司明永樂十一年改屬石阡府康熙二年裁葛彰葛商長官司隸於府編戶半里今改在城里葛商副司久裁

苗民長官司考

苗民長官司在府西南八十里唐為洋川縣正德二

年改屬義州貞觀四年改屬夷州宋為樂源縣屬珍
州洪武十年置為苗民司屬思南宣慰司永樂十一
年改屬石阡府康熙五十年裁苗民長官司隸於府
編戶半里

石阡長官司正副考

石阡長官司附郭唐為寧夷縣屬思州武德四年改
屬夷州貞觀元年歸入務州十一年復置屬夷州宋
歸入綏陽縣屬珍州元置石阡軍民長官司屬思州
宣撫司洪武五年改屬思南宣慰司永樂十一年改

石阡司為石阡府存長官司一正一副雍正八年裁
正司留副司以理苗

疆域

舊冊

古者畫野分州制其疆域而封洫之所以正經界也
故書重慎固詩詠正域春秋譏汶陽鄆謹之侵郡有
定制未可畧而不書也阡在黔萬山中交壤相錯悉
可據籍而稽者羅文思撰

疆域論

舊冊

合阡之東西南北不及五百里而幅員內見有村落

保聚烟火參差溝塍綺分禾黍含潤問其所屬非
則湄非思南之赤子則鎮遠之屯軍也一二草舍絕
樞晨星寥落依山採蕨菜色鶉衣不問而知為我阡
民此即疆域遼闊猶塵土滿之虞况儉於五百里乎
語曰十年生聚十年教養深有味於斯言此論推官
陳龍巖所目擊而手書者也閱於今我

百年來承平日久生齒益繁而富教有加與中州等
矣然當年同一疆域何此畜而彼豐則撫遺黎而懷
鴻雁中澤之計守土者可以儆也

郡守羅才思謹

按通志阡在省城東北四百八十里東至銅仁府界
八十里南至鎮遠府界十五里西至遵義府界三百
六十里北至思南府界五十里東南至思州府界六
十里西南至平越州屬餘慶縣界六十里東北至思
南府屬印江縣界一百七十里西北至平越州屬湄
潭縣界一十里東西廣四百四十里南北袤六十五
里至京七千三百八十里

形勝

貫山枕江黔中要地 廣輿記南通鎮遠北距思南一

說志林木環抱水石清幽自志與黔思犬牙相錯
與勝覽四面叢阻中一壤有軒明之景郡冊

形勝論舊冊

阡雖重山複嶺而險阻無聞非四塞之地也但就景
之形勝而論則叢阻中軒明一語隱括殆盡考八景
無一載與圖者就所藉藉人口合之通志圖說亦強
半不侔則傳其信者而已大抵山峭水冽自是黔中
本色而溫泉太虛行潦可資灌溉嵌空可供遊觀足
稱罕有若夫山號掛榜相傳科年必兆是亦人傑地

靈之驗外此諸景借山水之清華豁胸中之襟期官
斯土者曷可少耶推官陳龍巖撰

八景郡冊

知府名山

一名五老山在府治後古碑載治府山

平岬掛榜

冊載科年崖墜一石

列岫排衙

環府皆山西列如排衙因名

寒箐凝烟

竹樹陰深烟雲密蔽晴雨如常

將軍峻嶺

宋紹興間任正隆之變都監文誓師於此

魚子孔泉

泉水四時常盈深不可測有一小魚自石孔

匯泉浴日

泉出松明山下

蓋其如

飛鳳朝陽

省志附獅子山註中郡冊在葛彰司東

八景

郡守黃公諱良佐改添詩載藝文

五老屏山

舊冊名五老元峰即治府山俗訛知府山
省志郡冊皆誤

太虛古洞

乾隆二十九年郡守羅文思捐修洞門鑿
石平臺起亭砌路

漁浦文瀾

溫泉漱玉

掛榜元峰

舊冊載掛榜名山

將軍峻嶺

官井流香

龍川古渡

八景

五老屏山
太虛石洞

乾隆二十九年仲冬郡守羅文思增刪藝
文載詩
在郡治後一圍堆翠幾疊排空其中五峰
並起若昂首然當岬飛霧結有雨雪之兆

城而南入洞分上中下有石龍石虎萬佛岩
大士像像前石站童子自天生成不假人
工鐘鼓龍田諸景黔中公題之曰黔南第一
一指萬厯間郡守曾公題之曰黔南第一

琵琶清韻

城西南一十五里昔其人隱此山每月夜
有琵琶聲噪噪一切韻流清朗見廣輿記

並載省志郡冊一名雲掌山一名天馬山

掛榜平崖

城西江對五里科年張榜也

龍川古渡

城南里許水停蓄無波相傳古有卧石如龍用是得名昔李太白謫夜郎渡此由虎

崖西去名流所經河山俱韻古渡佳名亦

魚浦文瀾

城南三里浦多魚無風行水上而淺瀾觸崖縈折自爾成文

溫泉漱玉

城南一里泉溫煖氣上騰如蒸浴者甚衆可愈瘡患瘡疾水從石出淨淨有聲瀉入

河瑣花碎拋點塵不染省志謂清可鑿髮誠然

文筆棲霞

文廟正對西三里尖峯突兀時有清光供

祭如墨和丹黃如筆掃錦繡一麗景也明祈郡守有詩並見進士胡允恭太虛洞碑記省志遺之

按山川風景各志一方之盛即境疆錯出亦必不容

假借以博虛名省志載將軍山魚子孔泉在龍泉境
內平貫寨之將軍石係屬鎮遠城東南之魚孔泉亦
非有明徵自是附會其說又舊冊有飛鳳朝陽山在
葛彰司東考省志僅於獅子山註內附及而諮訪郡
中亦復游移鮮據乃前此八景俱援引編入何以信
今茲而昭來許况我阡非無名勝地也若琵琶山則
異人餘韻載在古籍龍川渡則名流芳躅傳為美談
而文筆棲霞則四時秀麗形於士大夫之品題舍其
境內之所固有而益以治外之所本無與志冊之介

在疑信者毋乃舛甚至於山名知府香齋官井俚不堪存文思悉為更正焉羅文思譔

山川舊冊

作鎮郡邑宣導地氣山川其要矣肝山發源於平越
繚亘蜿蜒數百折為五老峰府治屏嶂也對面層巖
競秀長河帶繞凡屬境內者得紀於編羅文思譔
五老山詳八景

侯山五老山名

鎮東山

城東里許亦府治鎮山山麓建有鎮東書院
舊冊四景鎮東挺秀

山川

山川

三

金雞山

東十五里高可百仞翠色如黛舊冊四景全
雞翔霄

龍山

東南一里高崗懸巖霧聚則雨散則晴

九龍山

東南十五里本郡水源皆從此出舊冊名橋
龍山土人呼九龍里

松明山

南一里溫泉出其下故又名溫塘山

十萬山

南六里昔楊再興屯兵之所其上平行中有
學田山土為營汛馬廐一名十萬山

太虛山

南五里一名燕子巖山腹有洞詳八景

巖門山

西南五里兩山相並如門巖上有洞

琵琶山

詳八景

雲堂山

省志載谷深林茂昔為苗賤潛藏之所舊冊
一名琵琶山土人呼雲臺山

掛榜山

詳八景甚冊名平崖後因利年有此呼掛榜

駱駝山

西三里又西為飛馬山

排衙山

西五里詳前

文筆山

詳八景

萬壽山

西二十里地名樂礐山下有兩傳有神羊出

香爐山

北十里平地突起四石人呼萬壽山

金順山

高百里山下有泉廣一丈深三尺餘夏漲冬

青山

北一十里高聳多林木

筆架山

西一百四十里三峯挺秀兩岫分排象形以

六
卷
獅子山南百里有二山高聳如獅因名

飛鳳山南百里一名飛鳳朝陽山郡丹入八景

麒麟山南百五里

馬鞍山西南一十里山勢昂聳中凹如馬鞍

隘門山南九十五里兩峰相峙險隘如門

黃楊山西南七十里山產黃楊樹

迎僊峰西北五十里下有龍塘泉

大夫峰西南八十五里

三尖峰南九十里

朝天嶺

西三十里一名紗帽山

長沙嶺

西南六十里甚高峻

望江巖

西一百六十里舊冊名望鄉

平巖

即掛榜山

鬼巖

西南八十五里廣方丈如屋城南五里名臥鬼巖者甚窄小

寒林箐

西十里詳舊冊八景

杉木箐

在寒林箐西北相聯

坪耕箐

西南一百二十里

方竹箐

與坪耕箐相聯西有巖頭箐葛其箐又西聯丹山坪

綿花坪

西一百六十里

走馬坪

西一百四十里

太虛洞

詳八景乾隆二十九年冬郡守羅文思相傳
百餘金確石工多人鑿河岸向東之後洞為
前門去洞中頑石平洞外土山築臺起亭扁路
閣至三十年春閣六月而工成以洞內列八景一
龍虎奇形一鼓鐘逸韵一觀音靜界一羅漢生
一萬佛橫崖一金沙燦地一驪昏方田一瀟瑩仙

詩室一龍閣前太
俱立萬虎至門虛
載碑佛奇三去洞
藝記橫形一十年
文詠以金鐘逸韵
一觀音靜界一羅
一瀟瑩仙

秋滿洞

南十五里校巖隔岸洞門宏厥後通池塘若
平茫溪有泉長流竇以灌漑
三里龍底江上中

龍洞

北二十五里省志載城西南三里龍底江上中
奇石大如雞卵有文可觀
風飄發一名風

風神洞

東北十里不敢深入則大風飄發一名風
鬼洞

香爐山 即香爐山

十萬山 即十萬山

九龍山 即九龍山

龍底江 城西南三里 即八景中龍川古渡 唐李太白經過處 自色溪入九龍山發源 下沅黃茅壩

合大溪繞郡城入思南界 注烏江 每坪以杜家寨 蒲草塘 平貫曾代田租 十石 給渡夫

烏江 西一百五十里 自四川播州流入 郡境 東流過思南界 入四川涪州 即方輿勝覽所載珍州思

溪與南平軍朗溪合者 是也

樂回江 南一百里 在舊葛彰司西南 其源有三 至方竹背合流 注深溪 而入烏江 中有淹龍灘

新開河 西二十里 初中流九處 巨石橫壅 萬懸間 郡守郭原賓 疏鑿可通舟楫 惜不能至府前

石門山記 卷三 三

大溪 南十里流合龍底江過郡前石阡江

深溪 西北二十里流入烏江中與各容溪合

洋溪 北十里許其源出銅仁提溪西流桶口河入思

溫泉 舊志泉水溫暖清可鑿髮近

小溫泉 近大溫泉數武土人謂為女溫泉

望江泉 西北六十里水甘冽四時不涸可資灌溉

白水泉 東

石蔭泉 詳金順山

瀑布泉 西十里水漲垂澗如白練

大龍潭 西南六十里深冷又則有灌沙之利

渣龍灘 南詳回樂江

相公灘 北

金溪源 西南

甘谷井

登望池

平貫沙洲 北之十里上有平貫砦下有溫泉潭

保大沙洲

沙洲 南八十里

石門府志

卷三

登沙塘

城南二里民集堤蓄水以備旱

灣塘

南六里有魚泉春則魚出秋則魚入民張網以時取也即土人附會為魚子孔泉處

石龍

屏風石

朝陽石

雲谷

兵墩

山川論舊冊

阡自九龍山發脉迤邐百折結為五老峰此郡治之

屏嶂也迎面林巒蒼鬱環郡長河襟帶流自捕州入
烏江澹涵而過我境由來遠矣北口有浮園以捍門
戶他如村落縣司竒峭湍洄為鄴元未及註者未易
更僕數夫川嶽鍾靈則名流振響觀諸鄴縣往牒元
魁蔚起甲乙蟬聯謂非山川之萌歟陳龍巖撰

城池

舊冊

易稱王公設險以守國又云重門擊柝以待暴周禮
夏官掌授管鍵以啟閉國門譏出入不協者又言
城惡春秋譏之守郡者深復隍之慮可漫視耶

按省志郡城自明嘉靖元年知府何邦憲修成土城四十年知府蕭立業甃以石周圍六百六丈高一丈八尺廣一丈五尺門四東曰對旭南曰迎恩西曰澄清北曰拱極城樓四水關四四十二年知府王崇議增串樓未准年久城傾圯萬曆間巡撫郭子章補修國朝順治十八年推官陳龍巖補修乾隆二十八年奉
上諭城垣為地方保障之資自應一律完固以資捍衛第
地方官吏往往視為具文或任其坍塌不問日久因循或修葺有名無實徒糜帑項皆所不免著久尚督

撫嗣後飭令該管道府將所屬城垣細加查勘如稍有坍塌即隨時修補按例保固仍於每年歲底將通省城垣是否完固之處繕摺彙奏一次欽此

乾隆二十八年十一月內文思稟勘阡郡石城一座查建自明永樂年間歷年久遠城身坍塌歷任估報請修嗣奉文以偏僻之地於農隙時督令民夫補葺在案歷任雖隨時修補無如工大費繁不過量堵砌築必得全行拆修始能堅固等語二十九年正月內署貴州巡撫劉藻奏查明通省城垣外有石阡等

處城久已廢圯列入稍緩俟各處急工修竣而行
勘興修本年四月初七日奉

硃批覽奏俱悉欽此

城池論舊冊

夫數仞之墻而民弗踰百仞之山豎子憑而游焉陵
遲故也阡於明末屢困苗患風起塵合罹禍甚酷幸
天威遠樹諸苗罔敢跳梁然實墉實壑非榦不庭者所

事乎今堞圯垣傾陵遲已極順治十八年春龍巖捐

修僅十之三譬之舉鼎筋絕而止若夫卜築疏濬

然金湯是在守土者之留意焉陳龍巖

官署舊冊

設官分職必有臨民之地蓋禮法所在政教所出於以竦觀瞻而尊視聽也郡署建自永樂中燬於正統年越成化嘉靖間復修順治年間復燬康熙初重修乾隆九年二十一年重葺二十八年文思莊任為之增補覺煥然一新尤冀繼來者修葺於無替云

石阡府署舊冊

府署城內北隅坐東向西明永樂十一年建正統十

四年燬於寇成化十一年郡守楊崇建改頭門之
南嘉靖四十年郡守蕭立業修署中為忠愛堂
宦適軒前儀門頭門翼以申明旌善二亭順治十
年偽爵楊國棟劾楊新桂兵亂悉燬之康熙三年郡
守劉啓復詳准以燼餘之三聖宮拆修大堂坐之復
樓廂房捐添二堂儀門大門寅賓館土地祠乾以九
年郡守邵一珩因樓房俱朽請項修建未准乾隆二
十一年郡守時廷鶴拆樓補修坐宅二十八年
由陝西商州陞任捐俸鳩工建鼓樓祀先亭友誼亭

雙桂閣築垣鑿池塗墍完善扶梯開牖彩飾頗加事
猶未竟耳

經歷司署

省志府署右今移府署左南街即舊
官舊署

教授署

明倫堂後省志學官後

訓導署

學官右

石阡營都司署

府城西內即舊守備署

千總署

無以自置宅為署

把總署

無儼屋居外委一員分駐龍泉偏刀水

副長官司署

以坐宅為署

照磨廳

一名照磨所嘉靖十五年建今廢府左

司獄司

府右今廢

石阡司治

城南嘉靖二年建今歸副司

龍泉司治

永樂十一年建今廢

苗民司治

洪武三十一年建今廢

葛彰司治

永樂十一年建今廢一說初在葛商

行治察院

城內嘉靖十四年郡守蕭立業建今廢

撫夷道

城南成化十六年郡守余志建今廢

鎮夷公館

府東六十里

思石道

在鎮夷公館之右隆慶元年公事局以曾建今廢

官署論

舊冊

自府署回祿守是郡者率暫寓於行署蓋直指駐節處也憲輅經臨信宿招提非所以肅觀瞻今府署建而行署成既可臨民以出治亦便皇華之時巡接下事上交得之矣斯干之什良可詠也此推官陳龍巖論於康熙三年間閱今百餘年矣所謂府署者今治行署者今書院舊冊自照磨所及察院公館等於順治十四年亂兵一炬盡成焦土俱失其故處而無考

矣姑存其名焉羅文思譔

關梁

舊冊

周禮司險知川澤之阻而達其道路有隘口以譏往來有橋渡以通行旅亦王政之大端也郡在萬山中雖衝途凡境內阨要利濟者例得並載羅文思譔

松明關

東八里

凱斜關

南

松坎關

南三十五里

鎮甯關

西四十五里一名馬鬃嶺

武定關

北五十里一名白馬嶺

石灰窑關

東北

銅鼓關

牛塘壩關

象鼻關

竹壩坪關

迎恩橋

南關外土人呼寺溝橋溝口郡守羅文思於乾隆二十九年修石棍以護下堤

達遠橋

北關內土人呼三板橋

八角橋

北關外康熙三十三年建

文星橋

北關外萬曆三十四年郡守郭原賓建

永濟橋

南六十里嘉靖間路濶一帶地屬石阡時州使華起直同僉事周以魯建

來賓橋

南

周惠橋

南之四里一出偏橋一入石阡

天生橋

嘉靖間建地屬石阡北三十里

板橋

嘉靖間建地屬石阡北三十里

河下橋

城西北萬曆十年建

啓靈橋

城西北舊名河下橋萬曆十年郡守素亮建石墩架木為梁改名啓靈橋乾隆二十年郡

守時廷壽同紳士鄭耆等會議募築建石橋約費二十金於二十七年工始竣鎮府治下

府前渡

為利普也厥功偉哉
初有船建橋後廢廣輿記名石阡江

龍底渡

龍底江即龍川古渡

白巖渡

南十里白巖江

洋溪渡

北十里洋溪江

桶口渡

南百二十里龍泉界府收稅處

葛閃渡

西百二十里府收稅報部此地名誤商為關
灘本庄十里

水口渡

西百六十里一名牛水口

石堤

城西南上下河壩商賈聚集當夏秋雨水漲發市肆概在水店舍漂沒乾隆二十八年

石阡府志

卷三

關梁

星四

文思到任捐俸獨修以防其患况截流遠折不復如前泛溢矣二十九年又修上堤

闕梁論 舊冊

夫闕梁所以禁暴詰奸利濟農商也滄桑遞閱向之險隘穹窿斥堠偵探者今多夷為荒烟野草向之鵠梁亘水虹橋卧波者今多沒於斷礮橫流無他土瀉人稀故耳今各處闕通要途排塘設舖禁暴詰奸之制已復矣惟是津口橋畔宜隨時修設庶徒輿時行山水偶發可無濡首滅頂之虞也然則架木為梁剡木為舟亦便民之亟務耳凡蒞斯郡者奚辭推字陳

龍泉謨

塘鋪 舊冊郡守羅文思謨

古者候人修路館人戒垣墉燎人具膏燭遺人掌委積以其職自効今孔道驛傳猶仿其制阡地偏僻鋪司則專送公文塘馬由汎地安設第留前後交行人攜帶焉遲誤公往往皆有是貴嚴為稽查云爾

鐵廠鋪

南三十里鋪兵二名順治初平越府同知金

板橋鋪

北二十里鋪兵二名以上二鋪乾隆二年新

府前鋪

本城鋪兵二名同塘頭鋪乾隆二十年添設

塘鋪

塘頭舖

北五十里舖兵二名以上舖司四舖兵四名

舊名每日工食銀一分米一斗折銀一分二釐
舊名每日工食在銀地丁銀內扣存秋冬二季
食及四季折米銀均赴庫請領乾隆二十年
將塘頭舖兵
撥附本城

苗民舖

峯巖舖

琵琶舖

樂橋舖

桶口舖

長林舖

乾溪舖

葛彰舖

溜沙舖

今或歸
泉或裁廢

在城塘

本營兵二名

凱斜河塘

東路三十里兵二名

三角塘

東路五十里兵二名

水邊塘

東路六十五里兵三名

白巖塘

南路十三里兵二名

平賈塘

南路二十五里地屬鎮遠兵二名係石好營
乾隆二十九年鉄原馬兵改駐平賈

白馬塘

西路五十里兵二名

本庄塘

西路八十里兵二名

在城里塘

西路一百四十五里兵三名

荆竹塘

北路十里兵二名

龍洞塘

北路二十里以上十一塘每塘駐兵二名
名不等至馬塘只本城一處俱送營汛往

來公文鉄廠馬塘地屬鎮遠馬兵二名亦係南
南營路瀨馬塘屬鎮遠馬兵二名亦係南
營谷定馬塘屬鎮遠馬兵二名亦係南
頭馬塘屬思南馬兵二名亦係南營

丁字子石

卷二

塘舖

卷二

七

塘鋪論 舊冊

明至萬曆間田土盡闢賦額充盈阡郡號馬而外坊
濟他驛馬館銀一千一百四十九兩有奇民不謂苦
也迄於今維正未及舊額四分之一而艱差盡解滿
司馬館盡解驛署即府郵已無可留濟遑問他站乎
每見差務一至里民皇皇一夫一馬皆出關顧之慮
脂良可悼嘆也至鋪司傳遞公文例有工食驗中他
處雖未額設工食每夫每月猶支倉米三斗際撥以
此項口糧遺造奏銷不准給領使隴畝之夫無料翁

走晝夜枵腹奔馳於豺虎出没之鄉跋涉於山水驚
險之際雨雪沒脛炎暑燥膚亦不敢稍即於休所在
申詳更定以紓民力也此陳龍巖之論今百餘年矣
舖有工食塘有兵糧民力已舒惟是學使按試思
南往返路由石阡所需夫馬價值約三百金向倍派
里下民苦之久且習為固然乾隆二十九年夏文思
先期出示概行捐免一夫日給銀二錢一馬日給銀
三錢爭來恐後余亦有鑒於一夫一馬皆閭閻膏脂
之言而為是兢兢耳羅文思撰

渠堰

舊冊

水澤之利灌溉為大漢元鼎中下詔曰農天下之本也泉流灌浸所以育五穀阡山多溪流民頗自取以溉馬第渠源易涸堰能長蓄作壩安車皆引水之法是不可不詳究為斯民勸羅文思撰

戴家壩堰

西八十里引水灌千畝田此外皆渠自白巖江過府前一帶沿河皆水車

沿河水車

登沙塘

詳山川

灣塘

省志詳登沙塘註中民築堤蓄水以備旱

堰說 舊冊

平田作渠引水以資灌溉非不善而天時稍旱水易竭與無渠等惟有堰始能常蓄澗流作堰之法畧如作壩但壩須留港此則橫截中流較平田少低數寸水夫則直趨其上水小則停蓄不洩也羅文思撰

塘說 舊冊

兩山夾聳其中稍平開土成坵如階而下者為塲田不賴旱救之惟以塘塘宜深作塘之法先度地勢於田頭之上當衆流所歸處隨地寬廣開挖為塘塘形

多上高下低其下即以塘土築橫堤堤脚仍布木槎以防崩卸中留水竇以脩啓放此謂頭塘至田之中段亦有旁山歸溜處照前作為腰塘次第啓放間有開塘得泉因泉開塘者大都藉山澤雨溜以為蓄滯中儲水草菱荷魚蝦之類則水活亦可得利

羅文是撰

塘法

舊冊

築塘者堤脚布木橋弗若隄上植柳枝葉可蔭塘水盤根可固隄脚溜水竇用新伐松樹存皮剖為兩半剗空如竹之去內節然長短照隄脚厚薄松頭實足

餘上下覆合壓隄下築土頭入塘內尾出隄外繫頭
上半空處方寸作水眼以木條削尖豎塞水眼啓放
時抽豎木條水從眼流出欲止則塞之松樹存皮不
水中經久不朽塘水肥菱草乃生魚易長種荷枝礎
魚遊藕穿隄身塘不宜種荷余蜀家居時曾作塘知
之悉羅文思撰

壩法

舊丹

水分則勢緩聚則勢急安車之處必急水方能衝轉
非築壩不可其法用勁木長六尺為樁將一頭剝尖

交叉打入水中如鹿角狀於近岸安車用沙石壅堆使無動搖其布橋上廣下狹幅水急流至車所車自轉動若河平水緩則離下壩十餘丈以上更築一壩仍於壩頭接作曲壩直連下壩則泉水由一港奔流逼成急勢可安水車二座於一處阡近一帶安車之法可謂盡善未見有用龍骨車者當殺其法也

羅文思

渠堰論 舊冊

山流引渠高田作堰平地開塘沿河築壩農民之水利也考閩中自鄭國渠起後倪寬為左內史奏請穿

鑿六輔渠又白公復奏穿渠曰白渠余初任關中
南縣三載為之疏通高家堰等三十四堰灌田二頃
六百八十三畝載八邑志調蒲城有漫泉久涸亦為
之設法開濬灌田一千六百六十畝乾隆十六年八
月巡撫陳

題明達 部商州十年為之淪古渠三百六十道並作
堰及開塘築壩灌田一百頃零八畝載在州乘茲荒
阡一載我民未知水利引渠安車外凡通溝瀆蓄陂
澤者當為之亟講也已羅文思撰

風俗 舊刊

古者省方首問風俗故太史採各國之歌謠而獻之
以考士女之貞淫政治之得失此國風所由作也乃
繫於水土為風感於君上為俗於以返澆漓而還敦
龐責有攸歸矣羅文思譔

瀉龐樸茂不離古習服食婚喪悉效華風

省志

土著夷民其俗各異涵濡日久可擬中州

郡志

士無佻達之風農盡胼胝之力地非四達鮮有異

舊刊以上俱載省志考郡志曰土著夷民其俗各異此三條土著之風俗也夷民之土俗得附於後

石附司曰峒人其性凶頑出必佩刀負弩有爭聚訟
講理曲者罰財示警不從即動刀弩男貧不能婚者
女家不較財禮近年沾被教化舊俗丕變矣

苗民司曰犵狁其性勇而謫婚娶以牛馬為禮死
用猪狗擊鼓而歌近年習尚頓改

易彰司曰苗人其性多悍詐男子蓬頭跣足婦人拖

衣細博裙不着布履婚姻論財疾病祀鬼近年以耕

為業迥非從前省志峒人在石附司者與人苗民

能及司曰楊保其性奸狡婚姻死葬近年亦同土葬

風俗論 舊刊

王充有云昔之水火今之水火也隆萬之際阡俗
靡綽有中州禮教遺風流及輒近士不好古誦讀
衰有服中再黜者有娶同姓者有婚姻而論財者有
鼓歌以娛喪者有病不延醫專事巫禱者種種秕俗
誠先革其已甚自漸可返以醜罷是責在守土者推
官陳龍巖撰

是陳龍巖之論也百年矣生聚實蕃田里樹畜而又
設立庠序申明教法漸摩成化鄭人頌國僑曰我有

于產殖之我有子弟子產誨之嗟夫安謂古今
人之不相及耶文思乾隆二十八年孟秋月來守北
土省志曰石阡氣候和平寒燠不爽茲匝一年立春
以後漸溫至五月而暑盛立秋以後漸涼屆十一月
而寒込人生其間率淳樸而文習以成俗士尚廉恥
農力穡樛務本抑末安土重遷至於子孝婦節兄友
弟恭婚禮重擇配喪事多哀毀家祭歲時伏臘生辰
忌日必薦獻外祀順四時致敬潔元旦拜先禮神賀
新年人日前後宴客名為節酒上元張燈立火樹

龍蝦獅吼各故事以行樂士民相與於勝概處聚飲
二月三日祀文昌十九日婦女朝太虛峒之石觀音
寒食前掃墓至清明日五月五日各書門符懸艾虎
兒童佩長命五色縷以糯米為角黍佐雄黃酒十三
日祀闕帝二十八日祝城隍神七月七日婦女穿乞
巧鍼中元日以紙錢作包焚於祖宗前名曰燒袱子
中秋翫月作圓餅聚飲重陽登高飲菊花酒十月剪
紙送寒衣冬至往來拜節十二月八日食粥名臘八
二十三二十四兩日祀竈除夕掛門綵桃符爆竹

一家老幼團團相聚圍爐共酌謂之守歲熙熙皞皞
此太平之景象淳龐之風俗也哉羅文思撰

